

**- SENAT -**

Broj: 01-2-1/24

Sarajevo, 07. 10. 2024. godine

Z A P I S N I K**SA 1. VANREDNE SJEDNICE SENATA****UNIVERZITETA U SARAJEVU ODRŽANE 07. 10. 2024. GODINE**

Prisutni/e članovi/ice Senata: prof. dr. Tarik Zaimović, rektor, prof. dr. Dženana Husremović, prof. dr. Benina Veledar, prof. dr. Naris Pojskić, naučni savjetnik, prof. dr. Kemal Durić i prof. dr. Arma Tanović Branković, prorektori/ice, Hamdo Solo, MA, student-prorektor, prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Meliha Bašić, prof. dr. Senad Huseinbegović (po ovlaštenju), prof. dr. Mustafa Hasani, prof. dr. Jasmin Ahić, prof. dr. Sead Turčalo, prof. dr. Eldin Jelesković (po ovlaštenju), prof. dr. Amel Kosovac, prof. dr. Arzija Pašalić, prof. dr. Fahir Bečić, prof. dr. Kenan Šljivo, prof. dr. Samir Dolarević, prof. dr. Mario Bernadić, prof. dr. Haris Lulić, prof. dr. Amina Valjevac, prof. mr. Ališer Sijarić, prof. dr. Daniel Maleč, prof. dr. Muhamed Brka, prof. dr. Zinka Grbo, prof. dr. Nusret Drešković, prof. dr. Mirjana Gojkov-Vukelić (po ovlaštenju), prof. dr. Besim Balić, prof. dr. Muhamed Smajlović, prof. dr. Adaleta Durmić-Pašić, dr. sc. Muamer Džananović, dr. sc. Aladin Husić, dr. sc. Sedad Bešlija, dr. sc. Jasmin Hodžić, prof. dr. Emir Tahirović, te predstavnici/e Udruženja Studentski parlament Univerziteta u Sarajevu: Imran Pašalić, predsjednik, Rijad Crvenjak, Almedin Sinanović, Ema Huseinčehajić Ahmed Parić, Arbela Korjenić (po ovlaštenju) i Hana Jašarbašić (po ovlaštenju).

Odsutni/e: prof. dr. Dušanka Bošković, prorektorica.

Sjednici prisustvuju: Kenan Filipović, dipl.iur., generalni sekretar Univerziteta u Sarajevu, Berina Smajlović-Doljančić, rukovoditeljica Službe za pravne poslove Univerziteta u Sarajevu i Alma Voloder-Madački, viša stručna saradnica u Službi za pravne poslove u svojstvu zapisničarke.

Sjednica je počela u 13:30 sati.

Sjednicom je predsjedavao prof. dr. Tarik Zaimović, rektor Univerziteta u Sarajevu.

Utvrđeno je da od ukupno 46 članova/ica Senata, sjednici prisustvuje 45 članova/ica Senata sa pravom glasa, od toga 5 (pet) članova/ica sa ovlaštenjem koje se nalazi u dokumentaciji Senata.

Prof. dr. Tarik Zaimović je predložio da se Dnevni red proširi sa tačkom *Inicijativa za stavljanje finansijskih sredstva Univerziteta u Sarajevu na raspolaganje Vladi Kantona Sarajevo za pomoć ugroženim područjima pogođenim poplavama*.

Uz predloženu dopunu, jednoglasno je usvoje slijedeći

D N E V N I R E D:

1. Odluka Ministarstva za nauku, visoko obrazovanje i mlade Kantona Sarajevo broj: 27/03-02-43589-1/24 od 24. 09. 2024. godine
2. Inicijativa za stavljanje finansijskih sredstva Univerziteta u Sarajevu na raspolaganje Vladi Kantona Sarajevo za pomoć ugroženim područjima pogođenim poplavama

T O K S J E D N I C E:

Ad-1.

U vezi sa Odlukom Ministarstva za nauku, visoko obrazovanje i mlade Kantona Sarajevo od 24. 09. 2024. godine, Mišljenjem Ministarstva za nauku, visoko obrazovanje i mlade Kantona Sarajevo od 15. 01. 2024. godine i Informacijom Ministarstva za nauku, visoko obrazovanje i mlade Kantona Sarajevo od 03. 10. 2024. godine, otvorena je diskusija u kojoj su učestvovali: prof. dr. Dženana Husremović, Imran Pašalić, prof. dr. Amel Kosovac, prof. dr. Mirjana Gojkov Vukelić, prof. dr. Tarik Zaimović, prof. dr. Haris Lulić, prof. dr. Amina Valjevac, prof. dr. Samir Dolarević, prof. dr. Daniel Maleč, prof. dr. Fahir Bečić, prof. dr. Nusret Dešković, prof. dr. Besim Balić i prof. dr. Arzija Pašalić.

U skladu sa prijedlozima i sugestijama iznesenim u diskusiji, a u vezi sa ponuđenim prijedlogom zaključaka za ovu tačku Dnevnog reda, jednoglasno su usaglašeni i doneseni

Z A K L J U Č C I

1. Senat Univerziteta u Sarajevu razmatrajući nastavna pitanja za akademsku 2024/2025. godinu konstatira da je Odluka Ministarstva za nauku, visoko obrazovanje i mlade Kantona Sarajevo, broj: 27/03-02-43-589-1/24 od 24. 09. 2024. godine, kojom se, između ostalog, **„nalaže Univerzitetu u Sarajevu obustavljanje primjene odredbe člana 182. stav (4) Statuta Univerziteta u Sarajevu broj: 01-14-34-1/23 od 26. 07. 2023. godine, bez odlaganja.“**, uvela u potpunu pravnu nesigurnost studente Univerziteta u Sarajevu, koji trenutno upisuju narednu studijsku godinu i koji su se pripremali i izvršavali svoje obaveze oslanjajući se na primjenu odredbe člana 182. stav (4) Statuta Univerziteta u Sarajevu, te na taj način ostvaruju svoja prava na oslobađanje školarine u akademskoj 2024/2025. godine, kao i fakultete/akademije Univerziteta u Sarajevu, kao provodioce i adresate ove Odluke,

odnosno relevantnih odredbi Statuta Univerziteta u Sarajevu i drugih općih akata Univerziteta u Sarajevu kojim se reguliraju pravila studiranja na Univerzitetu u Sarajevu.

2. Senat Univerziteta u Sarajevu konstatira da je neophodno bez odlaganja provesti konsultacije sa resornim Ministarstvom i Vladom Kantona Sarajevo u cilju ostvarivanja prava na nesmetan upis studenata Univerziteta u Sarajevu u akademsku 2024/2025. godinu, koji prema Statutu Univerziteta u Sarajevu ostvaruju pravo oslobađanja školarine.
3. Senat Univerziteta u Sarajevu u cilju zaštite prava studenata koji spadaju u 20% najuspješnijih studenata na tekućoj studijskoj godini određenog studijskog programa fakulteta/akademije Univerziteta u Sarajevu, posebno imajući u vidu neusklađenost između donesene Odluke Ministarstva za nauku, visoko obrazovanje i mlade Kantona Sarajevo, broj: 27/03-02-43-589-1/24 od 24. 09. 2024. godine i Mišljenja Ministarstva za nauku, visoko obrazovanje i mlade Kantona sarajevo broj: 27/03-34-27150-121/23 od 15.01.2024. godine, a u vezi sa Saglasnošću na Statut Univerzitet u Sarajevu, broj: 27/03-02-27732-3/23 od 21. 07. 2023. godine, **predlaže preispitivanje** navedene Odluke Ministarstva, od strane donosioca iste i Vlade Kantona Sarajevo u skladu sa zakonom utvrđenim nadležnostima.
4. Senat Univerziteta u Sarajevu upućuje Skupštini Kantona Sarajevo zahtjev za autentično tumačenje odredbe člana 31. stav (5) Zakona o visokom obrazovanju („Službene novine Kantona Sarajevo“, broj: 36/22) u vezi svih relevantnih okolnosti i činjenica u pogledu ostvarivanja prava studenata na oslobađanje od školarine prvog i drugog ciklusa studija, te integrisanog studija prvog i drugog ciklusa studija koji se realizuju u okviru u Univerziteta u Sarajevu, posebno imajući u vidu ranije podneseni zahtjev Udruženja Studentski parlament Univerziteta u Sarajevu za tumačenje navedene odredbe Zakona.
5. Senat Univerziteta u Sarajevu konstatira da se Odluka Ministarstva za nauku, visoko obrazovanje i mlade Kantona Sarajevo, broj: 27/03-02-43-589-1/24 od 24. 09. 2024. godine **ne može odnositi** na studente Univerziteta u Sarajevu koji su pravo na oslobađanje plaćanja školarine ostvarili u akademskoj 2023/2024. godini.
6. Senat Univerziteta u Sarajevu konstatira da je potrebno da fakulteti/akademije vode posebne evidencije za studente koji spadaju u 20% najuspješnijih studenata koji su pravo na oslobađanje plaćanja školarine ostvarili u akademskoj 2023/2024. godini, prema dosadašnjoj metodologiji utvrđenoj Statutom Univerziteta u Sarajevu, zatim izvrše upis ove kategorije studenata uz ostavljanje dopunskog roka u pogledu tretmana školarine, odnosno oslobađanja/plaćanja iste, a do rješavanja ovog pitanja sa resornim Ministarstvom i Vladom Kantona Sarajevo.
7. Senat Univerziteta u Sarajevu konstatira da se pod pojmom **tekuća studijska godina** podrazumijeva studijska godina koju je student uspješno okončao zaključno sa 30. 09., a koja sa 01. 10. postaje prethodna studijska godina i predmetom je mjerenja za ostvarivanje prava na oslobađanje školarine u okviru 20% najuspješnijih studenata određenog studijskog programa i studijske godine na Univerzitetu u Sarajevu.
8. Senat Univerziteta u Sarajevu također konstatira da se studenti koji su ostvarili isti prosjek ocjena na jednak način tretiraju u pogledu oslobađanja školarine i ulaze u okvir od 20% najuspješnijih studenata određenog studijskog programa i studijske godine na Univerzitetu u Sarajevu, bez obzira da li se radi o dva ili više studenata sa istim prosjekom.

Ad-2.

Senat Univerziteta u Sarajevu jednoglasno prihvatio Inicijativu prof. dr. Tarika Zaimovića za stavljanje finansijskih sredstva u iznosu od 200.000,00 KM iz vlastitih prihoda Univerziteta u Sarajevu na raspolaganje Vladi Kantona Sarajevo za pomoć ugroženim područjima pogođenim poplavama.

S tim u vezi jednoglasno je donesen slijedeći

Z A K L J U Č A K

1. Senat Univerziteta u Sarajevu pokreće inicijativu za stavljanje finansijskih sredstva u iznosu od 200.000,00 KM iz vlastitih prihoda Univerziteta u Sarajevu na raspolaganje Vladi Kantona Sarajevo za pomoć ugroženim područjima pogođenim poplavama.
2. Sredstva iz tačke 1. ovog Zaključka obezbijedit će se iz sredstava Univerziteta u Sarajevu i fakulteta/akademija Univerziteta u Sarajevu uplaćenih na ime naknada za upisni materijal u 2023. godini, utvrđena Odlukom Upravnog odbora Univerziteta u Sarajevu o pripremi i distribuciji indeksa i upisnog materijala na Univerzitetu u Sarajevu, broj: 02-6-2/21 od 18. 02. 2021. godine.
3. Predmetna Inicijativa dostavlja se Upravnom odboru Univerziteta u Sarajevu na nadležno postupanje.

Sjednica je završena u 15:00 sati.

R E K T O R

Prof. dr. Tarik Zaimović, s.r.

Zapisničarka:

Alma Voloder-Madacki, dipl.iur. s.r.